



საგარეო საეკლესიო კავშირების განყოფილება
მოსკოვის საპატრიარქო

შესრულდა სსკგ-ს მრავალი წლის თანამშრომლის ნ.ა. კარმანოვას წესის აგების მსახურება



2021 წლის 30 ივლისს დანიელის სლობოდის ეგრეთ წოდებულ აღდგომის ტაძარში მოსკოვის საპატრიარქოს საგარეო საეკლესიო კავშირების განყოფილების მრავალი წლის თანამშრომლის, ნადეჟდა ალექსანდრეს ასული კარმანოვას წესის აგების მსახურება შესრულდა.

წესის აგების მსახურება სსკგ-ს თავმჯდომარის მოადგილემ არქიმანდრიტმა ფილარეტმა (ბულეკოვი) შეასრულა, მასთან თანამსახურებდნენ რუსეთის მართლმადიდებელი ეკლესიის სასწავლო კომიტეტის თავმჯდომარის მოადგილე დეკანოზი ვალენტინ ვასილკო, სსკგ-ს მართლმადიდებელთაშორისი კომუნიკაციების სამსახურის მდივანი დეკანოზი იგორ იაკიმჩუკი, სსკგ-ს კომუნიკაციების სამსახურის უფროსი მღვდელი ილია კოსიხი, სსკგ-ს თავმჯდომარის მდივანი მღვდელი ალექსანდრე კარზანი.

მიცვალებულისთვის მსახურებაზე ლოცულობდნენ გარდაცვლილის ნათესავები და ახლობლები, სსკგ-ს თანამშრომლები.

მსახურების დაწყების წინ არქიმანდრიტმა ფილარეტმა (ბულეკოვი) სსკგ-ს თავმჯდომარის, ვოლოკოლამსკის მიტროპოლიტის ილარიონის სამძიმარი გააუღერა. სამძიმრის წერილში ნათქვამია: „მწუხარებით შევიტყვე, რომ თავისი ცხოვრების 68-ე წელს უფალთან წარსდგა ნადეჟდა ალექსანდრეს ასული კარმანოვა, მრავალი წლის თანამშრომელი მოსკოვის საპატრიარქოს საგარეო საეკლესიო კავშირების განყოფილებისა, მანამდე კი რუსეთის მართლმადიდებელი ეკლესიის საგამომცემლო განყოფილების თანამშრომელი.

მთელი თავისი შეგნებული ცხოვრება, დაწყებული 16 წლიდან, მან დაუთმო საეკლესიო სფეროში მოღვაწეობას, ჰქონდა სარწმუნოება და კეთილი გონება (1 ტიმ. 1. 18-19). თითქმის 40 წელი, 1982 წლიდან, მან იმუშავა სსკგ-ში. ყველა ვინც ნადეჟდა ალექსანდრეს ასულთან ერთად მუშაობდა, იცნობდა მას როგორც წიგნიერ, შემსრულებელ და დისციპლინირებულ თანამშრომელს, რომელიც პასუხისმგებლობით ეკიდებოდა მისდამი მინდობილ საქმეს და ყოველთვის მზად იყო თავისი კოლეგების დასახმარებლად.

გულწრფელად ვუსამძიმრებ მიცვალებულის ნათესავენსა და ახლობლებს, ყველას, ვინც მას იცნობდა და ვისაც ის უყვარდა – ამ მძიმე დანაკლისის გამო. მნამს, რომ ზეციურ სასუფეველში მიიღებს ის ჯილდოს და განსვენებას ყველა იმასთან ერთად, რომელთაც მინიერ ცხოვრებაში თავმდაბლობითა და ღვთის აღთქმულისადმი რწმენით გადაუტანიათ შრომა და სნეულება, მწუხარება და გაჭირვება, და გაიგონებს მაცხოვრის ხმას: შევედ სიხარულსა უფლისა შენისასა (მთ. 25. 21).

უფალმა ჩვენმა იესო ქრისტემ ახლადშესვენებული მხევალი ღვთისა ნადეჟდას სული საყოფელსა მართალთასა დაანესოს, წიაღსა შინა აბრაჰამისსა განუსვენოს, მართალთა თანა აღრაცხოს, და ჩვენ შეგვიწყალებს, რამეთუ მოწყალე არს და კაცთმოყუარე.

საუკუნოდ იყოს ხსენება ამისი!“

თავის მხრივ არქიმანდრიტმა ფილარეტმა აღნიშნა, რომ ნ. ა. კარმანოვა, რომელიც თითქმის 40 წელი მუშაობდა საგარეო საეკლესიო კავშირების განყოფილებაში, უპირველესად დაგვამახსოვრდება დადებითი ადამიანური თვისებებით, რომელსაც ის ფლობდა, ადამიანებთან თავისი გულწრფელი ურთიერთობებით.

„ნადეჟდა ალექსანდრეს ასული იყო ძალიან კეთილად განწყობილი განყოფილების ყველა თანამშრომელთან, ახსოვდა, თუ ვის ცხოვრებაში რა ხდებოდა. ჩვენ ვცდილობდით სამაგიერო გადაგვებადა მისთვის სიყვარულით, – აღნიშნა არქიმანდრიტმა ფილარეტმა. – ლოცვებს აღვავალენტ ღვთისადმი იმ იმედით, რომ უფალი უზვად მიაგებს მას სიყვარულით, რომელსაც ის ასე ეძებდა აქ, მიწაზე. ვიმედოვნებთ, რომ არ დაგვავიწყებს იგი თავის ლოცვებში, და განაგრძობს ჩვენდამი ისეთივე სიყვარულით მოპყრობას, როგორსაც ჩვენ ყოველთვის ვხედავდით მის სახეზე“.

სსკგ-ს კომუნიკაციების სამსახური

წყარო: <https://mospat.ru/ge/news/87819/>